

կակչիւ կը հռչակէր, գովեստը կը հիւսէ տարազագործական ոստայնանկութեան և վաճառականութեան, և զայն իբր օրինակ կը բերէ արքունի հեղինակութեան և վարչութեան⁽¹⁾: Վաճառականութեամբ տեսակ մը ապահարկ պատիւ և արձակութիւն ձեռք բերին Հրեայք՝ նոյն իսկ Հոսմի պէս խիստ ու այլատեսաց կեդրոնի մը մէջ⁽²⁾, ինչպէս և վերջերս ի Բրիտանիա⁽³⁾ և ի Չինաստան: Վաճառականութեամբ Սամուէլ Մուրատ, Ղարամեանք, Սէթ Արգարեանք և Նուպարեանք մեծացան ի Հնդկիս և յեգիպտոս, ու կրքան ա՛յնքան բարութիւն կտակել իրենց յաջորդացն ու հասարակութեանց: Վաճառականութեամբ նշանաւոր հանդիսացան հին Հայերն իբր ամենուրեք՝ աշխարհի չորս մասանց վրայ. բայց անոնք առանին ու ընկերական շատ բարեմասնութեանց վրայ՝ ունէին նաև միտղիկ այն աղուանուշ հոգին, որ կը ներշնչուի կրօնքին վճիտ և խորունկ ալքերէն, որ կուղղէ մարդը մանկանացու երկնային ուղղիչ քանոնով մը և որ՝ հակառակ արդիականաց ոմանց վերացական ու անգործնական ըսելուն՝ կուտայ շատ իրական ու գործնական արդիւնք, սա տարբերութեամբ որ այդ արդիւնք շա՛տ ուէքլամաւոր և պոռոտ չըլլալուն համար՝ անտես, կը թուին այդպիսեաց համար նաև անգոյ, վսեմ գոյութեանց ճակատագիրն ա՛ս ըլլալով՝ ի պատիժ թերեհաւա՛տ կուրութեանց . . . :

Վաճառականութիւնն՝ ասա ա՛յս ձևերով և միա՛յն այս ձևերով՝ կարծէ բա՛ն մը, մեծ բան մը, մանաւանդ Բիւզանդիայի պէս գաւառի մը ու կ. Պոլիսի նման քաղաքի մը՝ երկրագործութեան և վաճառական յարաբերութեանց բարեղէպ վայրերուն մէջ:

(1) Պղատոն՝ Բաղախականութիւն:

(2) Թ. Մովզն Պասմուքիւն Հոռմեական, Գիրք Ե. ԳԼ. 11:

(3) Անգղիայի մէջ հրեայ լորտերու Թիւն ցայսօր եօթնի հասած է: